

Le quatro stajoni a Buie

Quando che in primavera sonava l'Avemaria
l'odor dela polenta se calava par la via
e la zente stanca morta zenava in alegria.
Che bel sentir de fora el bater dei pironi
coi netava i piati bevendo i biceroni.
Vigniva poi l'ista col caldo e le zigale
e maduriva el fien sui coronzai e in vale
e po l'vigniva taja e meso in tale stale.
Tornava el segador sfini della stanchezza
carigo de ordegni col tulaz e la gueta.
Rivava l'autuno con l'ua in tai caveci
in tale brente in zaina e anca in tai seci
po el vin e l'alegria pai zovani e pai veci.
Me ricordo per la festa del' ua,
tuti a magnar e beber senza vardar a spese.
L'inverno tuti quanti strenzeva in casa
a beber qua e la spetando la manasa
e fasendo ogni tanto qualche baracada.
Nadal se festegiava come na festa pia,
primo de l'ano inveze in grande alegria.